

Izjava OHR-a na konferenciji za medije međunarodnih organizacija

Ministar odbrane

OHR izražava žaljenje zbog toga što vladajuća koalicija još uvijek nije postigla dogovor oko kandidata za ministra odbrane BiH. Bliži se mart, a bh. vlasti nisu uspjele da ispune prvi i najosnovniji uslov za članstvo u Partnerstvu za mir i time riskiraju dugoročnu sigurnost svakog građanina ove zemlje. Bh. vlasti su pozvane da u martu podnesu izvještaj NATO-u u kojem će iznijeti do tada učinjen napredak u toj oblasti. U ovom trenutku, nema materijala za taj izvještaj i članice Alijanse će biti opravdano sumnjičave u vezi sa spremnošću BiH da se pridruži Partnerstvu za mir.

OHR takođe sa velikom zabrinutošću ističe neuspjeh federalne vlade da usvoji prijedlog zakona koji su neophodni radi harmonizacije odbrambene strukture Federacije BiH za novim Zakonom o odbrani BiH. Postoji opasnost da Federacija potkopa novi državni sistem odbrane i tako postane smetnja za članstvo u Partnerstvu za mir.

Visoki predstavnik se susreće sa Joschkom Fischerom

Sutra poslijepodne, visoki predstavnik će se u zgradi OHR-a susresti sa ministrom vanjskih poslova SR Njemačke Joschkom Fischerom. Gospodin Fischer se nalazi u jednodnevnoj posjeti BiH. Ministar Fischer i visoki predstavnik će razgovarati o najnovijem razvoju događaja u BiH uključujući učinak BiH u ispunjavanju uslova postavljenih u Studiji izvodljivosti EU i uslova za članstvo u Partnerstvu za mir. Oni će takođe razgovarati o mogućoj tranziciji snaga SFOR-a u snage pod vodstvom EU. Na početku sastanka, u srijedu, 25. februara

2004. godine u 16.15 sati će biti fotografima i snimateljima biti omogućeno da zabilježe ovaj susret.

Visoki predstavnik se susreće sa ambasadorom Katara

Visoki predstavnik je jutros trebao da se susretne sa ambasadorom Katara Ali Fahad Al Hajrijem. Međutim, ambasadorov let za BiH je otkazan. Očekuje se da će se ovaj susret održati sutra ujutro i o tome ćete biti obaviješteni kada bude potvrđeno vrijeme susreta. Kao što se sjećate visoki predstavnik i Reisu-l-ulema su posjetili Katar u aprilu prošle godine, gdje su se susreli sa emirom i ministrom vanjskih poslova. Tada su razgovarali o mogućoj katarskoj donaciji za Fondaciju Srebrenica-Potočari spomen obilježje i mezarje. Ambasador Al Hajri će se susresti sa visokim predstavnikom kako bi razgovarali o saradnji Katara sa Fondacijom. Visokom predstavniku će se pridružiti gospodin Beriz Belkić, novi predsjedavajući Izvršnog odbora Fondacije i Reisu-l-ulema, član Izvršnog odbora Fondacije.

Razgovori sa kantonalnim ministrima

Visoki predstavnik i ambasador Robert Beecroft će se danas u 12.30 sati susresti sa ministrima pet kantonalnih ministara za obrazovanje kako bi razgovarali o provedbi reforme obrazovanja. Fotografi i snimatelji mogu zabilježiti početak ovog sastanka.